

# 中國風土志叢刊

● 東城雜記

● 都城紀勝

● 古杭雜記

● 東郊土物詩

● 江鄉節物詩

● 清波小志及補

◇ 郡縣沿革

◇ 山川改易

◇ 古迹存亡

◇ 風俗演變

◇ 氣候變遷

◇ 鄙事俚語

◇ 人情掌故

◇ 城坊舊聞



東城雜記

1

東城雜記

光緒辛巳  
鄴傳沛署

古杭會城之東遮列雉而裁宇者幽棲地僻學圃以  
悅生紫茄白莧青菰赤甲之屬綠畦被架貫四時而  
恆春魚陂千石依梅水爲盈縮不種自饒居民勤織  
作繰車緯簾接響連檐與耳謀者若水激之淪漑鼎  
沸矣賈區所聚亦有牛醫馬磨販脂賣履吹葬簫織  
藜苳之輩而置其閒俗儉而風茂美以故蟬蛻泥滓  
者擇地高蹈恆窟棲焉鑿坏爲門把茅蓋屋攬水竹  
以清心魂謝影纓而同俗駕蒿牀燼火諷詠內書輒  
障施厨咀嚼道味同塵采眞此其選也亦有國老引  
年依風繩谷洛社高耆英之名梁書勑止足之傳折

東坡雜言卷八

齒效其步趨小冠別爲風尙後賢尋白雲之堂歸路  
是樵風之徑流風未沫陳迹履綦更有名詮鉤黨人  
目清流汝穎仰月旦之品題鶚歛結桃源之會課墨  
兵乍灑筆陣橫飛詩則臞軒著評書則懷瓘估直文  
則彥和程材畫則洪谷傳法醉鄉遵皇甫之科條茗  
酪精伯審所辨記斯誠離騷之博徒藝苑之別子矣  
抑匪特興寄遠也蓋亦有禪悅焉赤華雞棲青豆蜂  
窠胸衣交臂齋版倦聽借禪榻以驗鬢絲拈餅花而  
參密旨千函榆櫟信地繙經一屋松枝彌天選佛眞  
可以破除結習淬練習光號此樂邦洵非妄爾吾友

樊榭山人業茲者蓋二世矣延年鄰芳菊之谿名士  
住青楊之巷溯沿往事特勑一編指形勝於灤東灤  
西敘土物於舍南舍北揆遺采隱抑揚寸心比城南  
之紀遊揭東園之友說蓋今世之耐得翁癸辛老人  
也昔圈稱紀載陳留周處掌錄陽羨遠則根括四境  
近猶敘說一州若其撮舉方隅瑣陳街陌言不滿萬  
體兼數家譬之秦中歲時嶺南異物襄陽耆舊益州  
名畫洛陽伽藍吳興園圃合爲一書各臻厥美求之  
簿錄古無其倫不佞屢偕客座提耳舊聞研京練都  
殆將一紀而是書乃克寓目信乎艱矣因條其大槩

東坡系言

而序述之如此堇浦杭世駿

二

杭城東曰東園地饒水竹蔬蕸翛然清遠先君子因家焉小子生於是居已三十餘年凡五遷未嘗離斯地也每欲攷里中舊聞遺事而志乘所述寥寥無幾鄰翁野叟拙樸無可與語者因從故籍參稽每有所得輒掌錄之又於交朋質問復得一二雖見聞陋隘或遇嘉客見臨聊舉爲茗盃閒談資爾或曰古杭事綦繁何不推廣成書而區區方隅爲笑應之曰姑有待雍正六年春三月十有二日樊榭山民厲鶚書於野人舟

夏  
城  
集  
三  
冊  
目  
凡

欽定四庫全總目

東城雜記二卷

國朝厲鶚撰鶚有遼史拾遺已著錄杭城東地曰東園者宋故園也其名見於宋史鶚家於此爲考里中舊聞遺事輿記所不及者八十五條釐爲上下二卷大抵略於古而詳於今然所載九宮貴神壇紅亭醋庫諸條考據頗爲典核又紀高雲閣蘭菊草堂竹深亭及金石中之慈雲寺朱刻劍石銘諸舊蹟俱浙江通志及武林各舊志所未詳他如灌園生以下諸人皆系以小傳

使後之修志乘者有所徵引其用力亦可謂勤矣  
鶚素博覽竝工於詩詞故是書雖偏隅小記而敘述典雅彬彬乎有古風焉

東城雜記卷上

錢塘鴈 鵲太鴻

永壽寺

寺在慶春艮山二門城隅之閒四面皆菜畦野沼舊名永壽庵爲南海普濟寺下院康熙四十三年聖祖仁皇帝南巡賜御書額永壽寺

富景園

武林城東曰東園者宋御園也至淮張展城後迤東十里許民居甚鮮多爲池塘畦稜因槩以東園名鄉先輩或云宋東苑似未得其詳按宋史孝宗紀乾道

七年秋九月甲午從太上皇帝太上皇后幸東園光  
宗紀紹興五年夏四月壽聖皇帝幸東園葉紹翁四  
朝聞見錄孝宗內禪光皇實憲聖所命孝宗遂得日  
奉長樂極天下之養北宮去東園最近旬浹間卽請  
憲聖臨幸屬芙蓉臨池秀發遂白憲聖請登龍舟撤  
去闌幕臥看尤佳憲聖欣然從之潛說友咸淳臨安  
志富景園在新門外之東孝宗奉憲聖太后嘗請遊  
幸又重於數戒有司故營是園以邇北宮規置略倣  
湖山今亦湮廢悉剝慈元殿歲收花果之入焉吳自  
牧夢梁錄城東新門外東御園卽富景園四水潛夫

武林舊事富景園新門外俗呼東花園灌圃耐得翁  
都城紀勝城東新開門外東御園今名富景園王士  
點禁扁園有集芳慶樂聚景玉津玉壺富景翠芳竝  
在杭以上諸書班班可考所云新門明代名永昌

本朝以其同闖賊僞年號改曰望江俗稱草橋門內  
地里人尙呼園前街者是已郎瑛七修類稿云東花  
園宋之富景園也內有百花池今園前民家尙存大  
池相傳舊矣臨安志又云昇仙橋富景園前南新草  
橋富景園東今望江門內護國禪院前有小橋不通  
舟楫俗呼爲等仙橋卽昇仙橋也近山陰許右文尙

質寓杭雜詠云富景園開曲巷東風光直與玉津同  
百花池上頻移艇閒殺江南垂釣翁述古可謂詳核  
矣又平湖沈遐庵修齡有經富景園故址調寄摸魚  
兒詞云過城東版兒巷口斜陽催送殘景空園喬木  
無情物不帶昭陽鴉影還記省柰回首花天月地和  
煙暝鴝聲嘯盡問淺碧荒池淡黃疏柳閒話不堪聽  
銅駝裏誰惜枝枝紅杏昇仙橋外畱映繁華已作浮  
雲散幾度春風消領闌曲凭數檢校垂旒彈指三生  
頃昆明劫冷看漢苑螢飛蘇臺鹿走喚起夢鷗醒子  
亦有過富景園故址調寄臺城路詞云生平落拓東

城下谿雲素心都負迹似潛夫身如灌圃只記南朝  
衰柳牆根井口抱一片晴沙眼波微瀾縱不關愁露  
桃愁到不言後探春那回行徧冷餽猶未賣人尙中  
酒藏謎花樓戲嬰水館別有凭闌紅袖新煙信否過  
幾度酸風翠梢睂闌仁立誰知暝鴉飛去久

遊東園啟

諸虎男匡鼎招王丹麓暉遊東園啟云比鄰看竹本  
學士之清懷攜客登山亦達人之高致城東有東園  
焉乃故宋之東苑也郊外桑麻無殊栗里園中雞黍  
不異桃源黃花萬畝儼竺國之鋪金白藕千池似崑

東坡言

山之積玉翦松栽柳抑又何求折菱燐枯此焉自足  
沽村酒以薄醉望明霞而可餐持鋤野圃竊比漢陰  
垂釣方塘略同濮水何必山陰道上始歎難爲人懷  
落雁峯頭方稱呼通帝座耶儻或傾風幸希賁止

宋書院

陳仲醇繼儒妮古錄云武林地有號園前者宋書院  
故址也

程源

南渡後程源爲伊川嫡孫無慘殊甚嘗鬻米於臨安  
新門之草橋著爲道學正統圖嘉定十七年聖旨訪